



## SPORAZUM O SARADNJI I PRINCIPIMA RADA

### u okviru realizacije projekta “*Studentskom praksom bržedo posla*” koji finansijski podržava Evropska unija

Projekat implementiraju Udruženje Prava za sve, Sarajevo i Udruženje građana Budućnost iz Modriče.

#### Cilj Sporazuma o saradnji je:

- Uspostavljanje **ERSE** mreže (*Education Reform Secure Employment*), u daljem tekstu: Mreža, kao podrške povezivanju i zajedničkom djelovanju akademske i poslovne zajednice, te studentskih asocijacija i institucija
- jačanje međusobne saradnje radi promovisanja uvođenja redovnih studentskih praksi u sistem visokog obrazovanja, a u skladu sa najboljim modelima zemalja Evropske unije.

Sporazum o saradnji (u daljem tekstu: Sporazum) uspostavlja osnovne principe i područja saradnje između potpisnica.

#### I Principi saradnje

Potpisnice ovog Sporazuma su saglasne da međusobnu saradnju zasnivaju na slijedećim principima:

- *Partnerstva* – strane potpisnice će dobrovoljno i u skladu sa svojim mogućnostima i najboljim interesima učestvovati i saradivati u različitim pojedinačnim i/ili zajedničkim aktivnostima Mreže;
- *Transparentnosti* – aktivnosti Mreže će biti predstavljene članicama kao i javnosti;
- Spremnosti strana potpisnica Sporazuma da *učestvuju i/ili podržavaju aktivnosti mreže*;
- *Nezavisnosti i samostalnosti* strana potpisnica što je ključni uslov za nesmetano i kvalitetno ostvarivanje njihovih uloga u okviru djelovanja Mreže i
- Međusobnom *poštovanju razlika* u mišljenju o određenim pitanjima.



OVAJ PROJEKT FINANSIRA  
EVROPSKA UNIJA

PROJEKAT: STUDENTSKOM PRAKSOM BRŽE DO POSLA

---

## II Aktivnosti za ostvarivanje saradnje

U cilju ostvarivanja uspješne saradnje na realizaciji projekta i uspostavljanja studentske prakse u visokoškolskim obrazovnim institucijama u Bosni i Hercegovini potpisnice Sporazuma će djelovati na ostvarenju slijedećih aktivnosti:

- održavanje redovnih/periodičnih sektorskih i/ili zajedničkih sastanaka Mreže na kojima bi se razmijenile informacije o svim provedenim i/ili planiranim aktivnostima;
- postavljanje informacija i/ili linkova na EU web platformu, kao i internet stranice i društvene mreže u cilju promocije svih aktivnosti Mreže i njenih članica pojedinačno;
- učešće i/ili podrška u izradi publikacija (Mapiranje trenutnog stanja i potreba u vezi sa traženim znanjem i potrebnim vještinama na tržištu rada u BiH; EU najbolje prakse i modeli praktične nastave u visokom obrazovanju; Analiza BiH pravnog i institucionalnog okvira kojim se reguliše praktična nastava na univerzitetima; silabusa za provođenje studentske praktične nastave i Smjernica za razvijanje programa praktične nastave za studente;
- učešće u programima obuke u okviru provođenja planiranih projektnih aktivnosti;
- podrška i/ili učešće u javnim zagovaračkim i medijskim kampanjama koje će se organizovati u cilju promovisanja aktivnosti/preporuka Mreže, kao i ostvarenih rezultata.

U smislu ovog Sporazuma potpisnici/e će se međusobno konsultovati o svim pitanjima u vezi sa zajedničkim aktivnostima, te u skladu sa svojim tehničkim i drugim mogućnostima i interesima uključiti u provođenje pojedinih konkretnih planiranih aktivnosti. **Potpisnici nemaju nikakvih finansijskih obveza jedni prema drugima, osim u slučaju kada se drugačije dogovore.**

Ovaj Sporazum otvoren je i za druge organizacije i/ili institucije koje se bave pitanjima u oblasti visokog obrazovanja.

Sporazum je zaključen u dobrom duhu i međusobnom povjerenju.

Svaka potpisnica može jednostrano raskinuti Sporazum slanjem pismenog obavještenja drugoj strani potpisnici.

Ovaj Sporazum je sačinjen u onolikom broju primjeraka koliko je potpisnica i stupa na snagu danom potpisivanja.

Sarajevo, \_\_\_\_\_ 2019. godine

Udruženje „Prava za sve“

UG „Budućnost“ Modriča